

Kledion Krasniqi nga Prizreni, i cili vuan nga tumori në kokë është në një gjendje shumë të rëndë shëndetësore, është duke qëndruar në shtëpi - në mungesë të fondeve.

Ai është operuar në një spital në Turqi mirëpo nuk ka pasur mundësi të qëndrojë shumë gjatë për trajtim dhe sëmundja i është kthyer.

Babai i tij, Gjevdet Krasniqi ka deklaruar se nëse sëmundja i rikthehet në gjendjen si ka qenë, atëherë biri i tij nuk do të ketë shumë gjasa për shërim.

Sa i përket mbledhjes së fondeve, Ministria e Shëndetësisë i ka dhënë për këtë rast 24.000 euro mirëpo këto nuk kanë mjaftuar për shërimin e tij në Turqi dhe ministria në fjalë ka thënë se nuk mund të ofroj fonde dy herë për të njëjtin rast.

Për këtë arsye, "Lëvizja Rinia" ka organizuar aksion humanitar në Prizren dhe në Prishtinë për të mbledhur edhe mjetet tjera të cilat i janë nevojitur për shërim.

Të kontaktuar nga Infodirekt.tv, kryetari i Lëvizjes Rinia, Egzon Pacolli, ka treguar se aksioni humanitar "Ta ndihmojmë Kledin" vazhdon.

"Ne kemi organizuar turnir në futboll, në stadiumin e Prishtinës në Tokbahqe, për këtë të shtunë. Fondet e mbledhura nga ekipet pjesëmarrëse do të shkojnë për operacionin e Kledit. Po ashtu ftojmë të gjithë të cilët dëshirojnë të kontribuojnë për shërimin e Kledit të kontaktojnë tek ne ose tek familja e tij. Fondet e mbledhura deri tani nga ne dhe nga Ministria e Shëndetësisë ia mundësuan atij të operohet një herë, por këto nuk mjaftojnë sepse i duhen edhe 6000 euro për të vazhduar shërimin", deklaroi Pacolli për Infodirekt.tv.

Për të gjithë ata që dëshirojnë të ndihmojnë Kledin këta janë numrat e xhirollogarisë dhe numrat e telefonit të familjes së tij:

Numri i xhirollogarisë: TEB BANK - 2030000067622737

Numrat e telefonit: +377 44 756 454; si dhe +377 45 522 259